

## بصبر نفسي

وبحاول أمثل إن أنا من بعدك مرتاح  
وإن بعادك ولا حسسني بأي جراح  
لكن كان باين على عيني اللي مخبيه  
وكل اللي يشوفني يواسيني وُصُعبت عليه  
وأنا جعل إيه ما هو حب عمري راح..  
كل أما بتيجي سيرتك..  
أيوه بحاول أنهي الموضوع  
علشان لو قالوا كلمة زيادة راح تملا عيوني دموع  
مش عاوز فيهم حد يشوفني وأنا موجوع  
أحزاني من يوم بُعدك مالكاني ومفيش أفراح..

ندمان على بعدك أيوه أكيد أنا مش بنكر  
وكل أما بكون وحدي فيك أنت وبس بفكر  
لكن قدام الناس بكذب عامل مش متأثر  
بس غيابك خلى حياتي ليل ما طلعله صباح..  
وبصبر نفسي وأقول حنساك بمرور الأيام  
مش عارف ممكن ده حيحصل ولا دي أوهام  
ضيعت الحب اللي رسمت معاه أجمل أحلام  
اصبر بقى حبة يا قلبي وندعي  
يجي اليوم اللي فيه نرتاح..